



UNIVERSITÄTS-
BIBLIOTHEK
PADERBORN

**Bavaria Sancta Maximiliani Sereniss. Principis Imperii,
Comitis Palatini Rheni, Vtrivsq. Bav. Dvcis Avspiciis**

Rader, Matthäus

Monachii, 1615

S. Lvcivs Britanniae Rex, Christianvs Doctor.

[urn:nbn:de:hbz:466:1-79686](https://nbn-resolving.org/urn:nbn:de:hbz:466:1-79686)

S. LVCIVS.



Primus ab extremis LVCI rex Dñe Britannis
 Dona Deo fasces, et diadema litas,
 Gemmatasq; togas, ebur, atq; insignia regum,
 Vrbes, ac populos, castra, phalangas, opes.

Scilicet est maior regnis et, regibus ipsis,
 Spernere qui titulos, totaq; regna potest.
 Et tamen hoc nihil est; qui spretis omnibus addit
 Se quoq; caelesti dignus honore venit.

C

S. LVCIVS

S. LVCIVS

BRITANNIÆ REX,

CHRISTIANVS NORICI DOCTOR.



Multa Germaniæ terræ Britannia, Scotia, Hibernia lumina fidei misit, quæ offusas nobis ignorantiae tenebras cælestibus veritatis radijs dispellerent, hoc primum fuit, eoque illustrius quod ex claro Regum folio, sol hic ortus noctem in Norico & Rhætia fugarit. Et liberalem Dei beneficentiam agnoscas. Latuisset hoc fidus in vetustatis antiquitate, nisi è sublimi regij fastus tribunali, in humilium seruiorum aut ceterè peregrinorum formam, cum Emerita germana suâ, descendisset. Clarior nunc vbique gentium habetur, postquam claritudinem titulorum regionum abiecit. Vt enim alta premere DEVS; ita pressa rursus protollere consuevit.

Anno Chr.
CLXXXII.
Martyrol.
Rom. Ba-
ronius.
F. Andre-
as ad S. M.
Ratisp.
Brennariū
Curiense.
SS. Augu-
stini.

Coillo Rege, Marij F. Aruiragi nepote natus Lucius, cum de Christo & Christiana disciplina multa cognouisset, misit Legatos ad Eleutherium, rei tum Christianæ summum Romæ Antistitem, sanctioris religionis magistros petitem; à quo Fugatius & Donatianus missi, Lucium Christianis sacris initiarunt. Accipe hæc ex antiquis Factorum Romanorum monumentis, quæ apud Baronium Cardinalem in hæc verba legis. *Lucius nunquam se Christianæ Religioni insensum exhibuit, hostemue: sed quod Christianorum miracula simul & vitæ integritatem admiraretur, in eosdem propensior videbatur. Amplexusque fuisset jam ante Christianam religionem, nisi auita, velut nexibus, obligatus esset superstitione, nisi etiam conspexisset Christianos ab Ethnicis ipsis ut infames vilesque haberi: à Romanis ipsis, apud quos summa rerum esse videbatur, & gladio & iniurijs assiduò lacerari. Comperit tamen postea, nouitque ex Legatis Cæsaris, Senatores etiam aliquos Christianos factos esse, & inter alios Pertinacem quendam, atque Trebellium: Imperatoremque ipsum Marcum Aurelium, victoria eorum precibus obtenta, benignè habuisse Christianos. Quibus his aliisque perceptis, Lucius legationem misit ad Eleutherium Romanum Pontificem per Eluanum & Meduinum Britannos: rogans per eos Eleutherium, ut per se suosque ministros, ad Christianam religionem suscipiendam, aditum patefaceret: quod & obtinuit. Nam idem Pontifex Fugatium & Donatianum (aliter Damianum) in Britanniam misit, qui Regem & alios Christiana religione imbutos sacris initiarent mysterijs: quod & nauiter impleuerunt, cum alioqui diu ante (quod testatur Gildo sapiens) Christi Euangelium illuc perlatum fuisset. Hæc ex vetustioribus monumentis de Lucio prodita habentur.*

C 2

Insti-

DE S. LVCIO REGE BRITAN: NORICI APOST:

Institutus ergo religionis nostræ sacris & cælesti baptismatis fonte tinctus, fortunâ regiâ cum Christi paupertate mutatâ, secutus primorum Ecclesiæ Doctorem viuendi rationem, relicto patrio solo, titulisque regni abdicatis, vt hoc certius regni immortalis heres scriberetur, quam ipse lucem è cælo hauserat, vt eandem alijs luceret, Noricum, Vindeliciam & Rhætiam peragratus, multâque indigna fortipectore perpeffus, multos ad Castra Christi pertraxit. Augustæ Vindelicorum (vbi hodie & in Diui Francisci recens condita æde, & in Societ. IESV templo nonnihil de sacri corporis exuijs seruatur) Campestrum ciuem nobilem cum familiâ, aliisque haud paucis ad Christianæ religionis professionem induxit, eoque nomine ab impijs Dæmonum mancipijs malè acceptus, verberibusque indignum in modum multatus, faxis etiam appetitus, ac tandem in altum puteum præceps actus, ope tamen piorum, etsi peregrè, mortem euasit. Indèque Reginoburgum, hodie Ratisponam, profectus, ibi quoque Romanæ Coloniae Christi cultum suadere cœpit, vti & Iuuauia, & passim in Norico, donec in Alpinam Rhætiam progressus, Curia III. Nonas Decemb. beato fine conquieuit. vbi & Cœnobium eius nomini inscriptum hodièque visitur, in quo anniuersario cultu eius memoria solemni ceremoniâ instauratur. Andreas Presb: *Circa annum Domini CLXXXII. Præsidente Eleutherio duodecimo à B. Petro, Commodo Rom. Imperatore regnante, Lucius Rex Britannia nudus & expeditus peregrinatione suscepta, partes Bauarorum & totam Rhætiam inter alpes sitam miraculis ac predicationibus ad fidem Christi creditur conuertisse.* Emerita germana soror comes itineris & laborum, per ignes fidem Christo comprobauit.

Preuarium
Cuius
ense. non
fuit mar-
tyr. M.
Vellertus
suam sen-
tentiam
correxerit.



S. MAXI-